



Ассаламу аьлайкум, дустал

ХХЯХХА БАРГЪ

Лакрал райондалул кказит. Ига бакълай 97-сса шин.

12+

«ЗАРЯ»

Нюжмар
1 май
2020 ш.

№19

www.zaria-online.ru
gazetazary@mail.ru

1 Май - Интнил ва Зах1матрал байрам

Аьрасатнаву майрал 1ний к1иц1лагай Интнил ва Зах1матрал байрам. Му кьини, давурттайнгу кьалавгун, бигьалагайссар.



Майрал 1ний байрам Аьрасатнал империянаву хьхьич1а-хьхьич1 дурну дур 1890 шинал Варшавалий. 1891 шинал т1урча к1иц1ларгун дур хьуншагьру Санкт-Петербурграй.

Цурда байрам ва кьини дуллан ккаккан бувну бур 1889 шинал 2мур Интернационалданул Парижливс-

са конгрессрай 1886 шинал майрал 1ний Чикаго шагьрулий американал зузалт цала рязибакъашивуртту баян бан гьаз хьусса иш дак1ний лич1ан бан.

СССРданул заманнай яхъанай бивк1миннан дак1нийссар га ч1умалсса ва байрамрал ц1а - День международной солидарности

трудящихся (Дунияллул халкьуннал зах1маткаш ца-шаврил кьини). Совет Союзрай му байрамрайн тарихрал ц1агу учайва - 1 Май. Му дия, СССРданул политикалуц1ун даркьусса революциялул, аваданми ва мискинми кувнацал-кув талатаврил лишан. К1иц1гу лагайва политикалуву ц1а машгьур хьусса инсантурал, давурттай хьхьич1ун ливчуминнал суратру, лозунгру, овьчавуртту, плакатру, халкьуннал хозяйстволул бут1раву, элмулуву, культуралуву дурсса ккаккиртту чирчусса диаграммарду гьаз дурну ларсун нанисса демонстрациярдайн циняв бувккун.

Ц1анарив Аьрасатнал Федерациялуву ва байрамрал политикалул щавци ливч1ун бакъар. Мунин Интнил ва Зах1матрал байрам т1исса ц1агу дирзун, бигьалагай кьинилийн к1урадарну дур. Му тарих ц1акь бувну бур 2001 шинал декабрьданул 30ний кьамул бувсса РФлул Зах1матрал кодексрал 112мур статьялий.

Инсантуран т1урча 1мур майрал кьини ч1алан дик1ай гьилишиврийн, интнийн бувксса кьини, т1абиаьт интнийн дуклай, чант1а т1ун дайдихлахьисса, гьилишиву ч1а т1ут1исса дак1урдивугу хьул парх укусса кьини кунна.

Райондалул администрациялул х1укму
2020ш. 15 апрель №40-р

Налогирттал буржру кьабик1аншиврул

К1анттул ва райондалул бюджетирттаву буч1айсса налогирттал буржру, хаснува имушестволул налограл, хьунма хьуну бушаврин бувну, х1укму буллалиссар:

Республикалул ва к1анттул бюджетирттаву дуч1айсса налогирттал ва доходирттал лагру щаллуну дуч1ан давриха зузисса, райондалул ведомствордал дянивсса комиссиялул цаппара члентал мива гьаврин бувну, ц1убан ведомствордал дянивсса комиссия (ургу гихунай).

Шяраваллал администрациярдацал налогру дат1авриву дах1аву дик1аншиврул ва ведомствордал дянивсса комиссияин информация ч1умуй булланшиврул райадминистрациялул чулухасса вакилтал (уполномоченныйтал) ц1акь бан гьарца шяраваллил администрациялуц1ун.

Комиссиялун ва уполномоченныйтуран налогирттал ва налогру дакьасса дуч1иярттал плану биттур дансса х1акьсса ххулурду ласун, хаснува кьулагьас дан транспортрал налог дат1аврих.

Шяраваллал администратциярдацал зузисса уполномоченныйтуран гьарца нюжмардий цал ведомствордал дянивсса комиссиялул председательнан баян буллан дурсса даврия.

Шяраваллал администрациярдал бак1читуран маслих1ат бан республикалул ва к1анттул бюджетирттаву дуч1ан дайсса налогирттал ва налогруну кьахъахьисса доходирттал плану щаллуну биттур дуллан.

Му ишираву шяраваллац1ун ц1акь бувсса участковый инспектортурацал цац1усса давуртту дуллан.

Ведомствордал дянивсса комиссиялул председательнан комиссиялул бат1авурттайн овьчаван налогру ва цайми доходу дат1авриву х1урашиву ч1алач1и дуллалиминнай.

2018ку шинал июльданул 10ний бувсса (№61-р) амурулул гуж бухлавгшиврун ккалли бан.

Ю.Х1.Мах1аммадов, «Лакрал район» МРданул бак1чи.

Ведомствордал дянивсса, республикалул ва к1анттул бюджетирттаву налогру ва налогруну кьахъахьисса дишаларду дуч1ан давриха зузисса комиссиялул сиях1:

- Мах1аммадов Ю.Х1. - комиссиялул председатель.
- Кьюннуев А.М. - мунал заместитель.
- Макьсудов М.Ю. - «Лакрал район» МРданул бак1чинал зам.
- Рамазанов М.С. - МВДлул «Лакский» МОлул начальник.
- Мах1мудов Ш.М. - налогиртталсса буллалисса 9мур номерданийсса инспекциялул начальник.
- Кьадиев М.А. - ШХУлул ва экономикалул отделданул начальник.
- Амирханова Аь.С. - финотделданул хьунмур.
- Гьазаева Б.Д. - ШХУлул ва экономикалул отделданул начальникнал хьиривмур.
- Кьурбанов Р.Р. - райондалул ОСПлий каялушиву дуллалима.
- Чупалаева З.О. - райондалул бак1чинал кумагчи.
- Мусалаев М.М. - «Хьяххабаргъ» кказитрал хьунама редактор.
- Мах1адов Ш.И. - РДлул пенсионный фондрал райондалул отделениелул хьунама.
- Ах1мадов Т1.А. - райадминистрациялул отделданул начальник.

Фронтран бувсса кумагирттава

(Дайдихьу 18 ном.)

Райондалул зах1маткашнал хьунмасса бут1а бивхьуссар дяьвили лавгминнал кушпатирттан кумагру бавривугу.

1943 шинал депутатгьтурал райсоветрал исполкомирттач1а т1ирт1уссар хасьсса отделу ватан дуруччултрал кулпатирттал т1алавшинну биттур давриха зузисса. Райондали дирк1ссар дяьвиллий, аьралий буминнал 2659 хозяйство. Ми кулпатирттан бувссар 36170 кьурушрансса кумагру, дуллуссар 1420 ляхия-янна, 813 чут уссал, 1293 метра муч1ал, 64344 кило

ЭТО ЛЕНТОЧКА ПОБЕДЫ !!!



кьалмул ва цайми аьркинмур.

Шавк1уллал комсомол организациялул райондалул жагьилтурайн дурсса овьчаврин бувну, фронтовиктурал кулпатирттан жагьилтурал дуллуссар 250 пут кьалмул, 60 пут яттил нисирал, 4 пут нагьлил, 20 азара кьуруш арцул.

Хьундяьвилул ва муниял махьсса ца шинал мутгалий СССРданул Совнаркомрал чулуха Лакрал райондалун 4 базилух буллуссар заназитт1ул Ттугъ, шанма базилух буллуссар Пачах1лугьрал (Ахир 2 лаж.)

Прокуратура

Ярагъ баххаврил
жаваблувшин

«Ярагъ» тIисса оперативно-профилактикалул операция булла, МВДлул Лакрал райондалул от-делданул полицейскийту-рал гъан увсса инсаннал Ккурклив яхъанахъисса инсаннаща машин лавсун-ни авли уккайсса ттупанг ИЖ-18М-М, 12мур калиб-рданул.

Мукун ттупанг бавххуну, Ккурклив яхъанахъисса инсаннал закондалуцун къадаркъусса даву дурунни. Му хъанахъиссар уголовный преступление. Мунихлусса жаваблувшин ккаккан дурну дуссар РФлул Уголовный кодексрал 222мур статьялул 4мур бутлуй.

Ккуркливсса му инсан Лакрал райондалул мировой судрал тахсирлувну ккалли увну, муна бунни 120 ссятрай чара бакъа зузи ансса таммихI. Зунсса клану ккаккан бан-тIиссар, уголовно-исправительный инспекциялушал маслихатгу ккакккун, кланттул самоуправлениелул органдалул му инсан мудан яхъанахъисса кланай.

Прокуратуралул мукунма бувчин буллалиссар, РФлул Уголовный кодексрал 222мур статьялул 4мур бутлуй ккаккан дурну душиву уголовный жаваблувшин закондалуцун къабавкъуну «холодный» (чIиллу, къутIайсса затру, ххаржанту ва м.ц.) ярагъ баххарча, палцI байсса ярагъу хIисавну. Ва статьялин, мукунма, багъайссар таварихийсса ва культуралул къимат бусса ярагъ баххаву.

КлицIлавгсса статья бувчин буллалисса чичрулий бур, му статьялий ккаккан дурсса ва Уголовный Кодексрал 222.1, 223 ва 223.1 статьярай ккаккан дурсса затру хушрай дулаврин ккалли къадайссар, ми зеххаву - му инсан утълагъисса чIумал, мукунма, ми затру ххал дулла, ляркъуну, зерххусса чIумал, тIий.

Силисталул, судрал ххалбивгъусса иширтгал чIалачIи бунни, инсантурал ярагъ баххайшиву, цала маэшат ххуй баншиврул, цанма хайр хъуншиврул. Амма, клуну бикIи, мукунсса иширтгалу миннан закондалий ккаккан дурну душиву уголовный жаваблувшин.

А.А.Оьмаев,

Лакрал кIирагу райондалул прокурорнан кIанайма.

Фронтран бувсса
кумагирттава

(Дайдихъу 1 лаж.)

Мюхчаншиврул Комитетрал ттугъ (13.12.1944; 05.01.1945; 01.08.1945) ва ца базилах СССРданул Совнаркомрал ттугъ (13.01.1946) хасну ризкь чIяву баврин ва миннул продукция паччахIлугъран даххаврил буржру хъхичIунну биттур баврин бувну. Вай ттугъру райондалий-ва къабивтссар оьрмулухун ябулланшиврул.

Хъундьявилул хъхичI шиннардий партиялул райкомрал Iма секретарьну ивкIссар Оьмар-ХIажи ЦIаххаев, мунаяр махъ, 2ма секретарьну зий ивкIсса, АхIмад Мусаев увчIуссар Iма секретарьну.

Депутатътурал райсоветрал исполкомрал председателъну зий ивкIссар МахIаммадов МахIаммад-Садикъ.

Райондалий ризкьчI ябарил даража хъхичIунмай баврин бувну 1944 шинал

9мур июндалий райкомрал Iма секретарь Оьмар-ХIажи ЦIаххаевлун ва райисполкомрал председатель МахIаммадов МахIаммад-Садикълун СССРданул Верховный Советрал Президиумрал чулуха дуллуссар Буттал кланттул цанисса дьявилул Iмур даражалул орден.

Райондалул колхозникту-рал ва колхозницахъал оьчаву диркIссар «Гъарца зад фронтран, гъарца зад душман ччяни ххит аврин» тIисса.

Буттал кланттул цанисса Хъундьявилул шиннардий райондалул захIматкаш-нал амну дартIун мюхчаншиврул фронтран дуллуссар 2084631 кг. дикIул (70000 ятту), 116632 кг. нагънисрал, 171973 кг. ппалул, 90430 бурчу, чIявусса дучри. Ми дакъассагу дуллуссар 14 млн. арцул.

Абут Iалиб Аьлиханов,
Сулайман Мусаев.

Бюхтгулсса Ххувшаврин 75 шин

Балтикалия Берлиннайн ияннин талай

Сиражуттин МахIаммадов увну ур Ккурклив 1918 шинал МухIад-хъал МухIадлул кулпатраву. Аьралуннавун увцун ур 1939 шинал Лакрал военкоматрал. Дяъви байбишиннин къуллугъ бартбигълай ивкIун ур Балтикалал хъхьирий хъхьирил пехоталуву разведкалул къюкълул командирну.

С.МахIаммадовлул дьявильисса ххулия жуца чIявусса клул бан къабювхъунни. Аь-С.Магъдиевлул чивчумунин бувну, га агъну ур Ленинградрай блокадалувун. Тичча итххяххайхту талай, Берлиннайн ивну, Берлин клунтихъхъун ласласисса талатавурт-таву гьуртту хъуну ур.

1943 шинал ахирданий бувксса «Правда» кказитрай рирщун дур Сиражуттиннул къучагъшивурт-таясса «Ленинградлул фронтрал виричув» тIисса макъала. Дивизиялул командирнал ганал ниттичIан чивчусса чагъарданий тIий бур: «Вил арс - вилгу,



жулгу пахрури. Сиражуттиннул Совет Союзрал Виричувнал цIа дулун тавакъю буллалисса документру командиршиву дул-лалиминнал гъан бувссар Московлив».

Виричувнал цIа ганан къадуллуну дур. Амма лайкъ хъусса цайми бахшишру хъунисса ва чIярусса дур: Суворовлул,

Кутузовлул, Богдан Хмельницкийлул, I даражалул Буттал кланттул цанисса дьявилул, ЯтIул Ттугълил, ЯтIул ЦIукул орденну ва медаллу.

Школалий шанма класс бакъа къабувкксса, ппу акъа хъуна хъусса, зунттал шяравусса хъамитайпа-лул тарбия увсса С.МахIаммадов 1950 шинайнин къуллугъ бартбигълай ивкIун ур Германиянавусса Совет Аьралунна-ву. Аьралуннавугу, шяраваллил жяма-травугу га хъунмасса хIурматрай, сий дуну ивкIун ур.

1950 шинал полковник М.Сиражуттин аьралуннава итаавкъун, Ленинградрай яхъан ивкIун ур, кIийхъа кулпатгу бувну бур (цалчинсса ганал кулпат бивкIун бур Къагъирхъал БатIа. Ганичал му личIи хъуну ур). Оьрус шарссаницIасса оьрчI ивкIуну ур, душ яхъанай бур кIийхъа, С-Петербурграй.

Дунияллия С.МахIаммадов лавгун ур 1985 шинал. Увчуну ур тийхъа Ленинградрай (С-Петербурграй).

Шамагу уссу талай бивкIун бур

Абакаров Султанбаг увну ур ГъунчIукъатIув хъузала-хIал-тIухъан МухIадлул кулпатраву 1918 шинал. Цала шяраву 7 классгу бувккуну, увххун ур дуклан Гъумуксса педучилищелувун. Му къуртал байхту, школардай дарсру дихълай зий ивкIун ур лакрал шяраваллаву.

Дяъви байбишин хъхьичIсса шинал Султанбаг зий ивкIун ур Карашрал 7 шинал школалий.

1942 шинал Лакрал военкоматрал га гъан увну ур курсирдайн Бакуйсса бахътагъалтрал училищелин. Ми курсирдай дуклай бивкIми циняв цала сипталий дьявилин лавгун бур. Ми багъну бур битултрал 34мур бригадалувун ва гъан бувну бур Ухсавнил Кавказнал фронтрайн.

С.Абакаров му фронтрай ивкIун ур роталул замполитну. Рассвет тIисса шяравалу фашистура тархъан дуллалисса чIумал, С.Абакаров



талатисса бригадалул солд-латътурал ляличIисса къучагъшивуртту дурну дур кIичIирттаву талай. Микку немцынал ДЗОТ пIякъ учин дулла бунува, Султанбаг-луин ва цайми кIия талата-лайн щавурду дирну дур. Му талатавриву га бахшишран лайкъ хъуну ур.

Щаву хъин дулла ивкIун

ур МахIачкъалалив. Хъин шайхту, зенит-кардал-артиллериялул училищелулу бувккун бур чIавама лейтенант шайсса курсру.

1944 шинал апрель-даний С.Абакаров агъну ур Ленинградлул фронтрайсса артиллериялул 87Iмур полкиравун ттуплил командиршиву дуллан. Му фронтрайсса талатавурттаву Султанбаглул каялушиву дуллалисса ттуплил расчетрал бас бувну бур душманнал 40 пушка, ккуллардал кIива склад.

С.Абакаровлул дьявильи цалалу дуртун дур шанна танк, бат бувну бур 15 пушка, бухлаган бувну бур 70 солдат ва хIаписаргал.

Ттуплил командир, чIавама сержант С.Абакаров ккаккан увну ивкIун ур Совет Союзрал Виричувнал цIа дулун. Амма, га талатисса батальондалул ттугъ бакъа (Ургу 3 лаж.)

ДакӀний бур, нава Лаккуйн увкӀсса чӀумал, цукун ххуй бакъасса тагъарданий бивкӀссарив райондалул центр - Гъумучи (лах-ххит, чапалшивуртту, хъунххуллул чуллахух ххуйдакъасса тагъар, чӀюлушин дакъашиву, чячяни чирахъру лешлашаву ва м.ц.). БувчӀавурттай жяматирттал чӀурду буллуну, райондалул бакӀчину Юсуп МахӀаммадов увчӀаву хъинну тӀайласса, лайкъсса бакӀчи угъаву хъунни. Юсуп най унува улувкъуна райондалул тагъар ххуй дансса, цӀанихсса миллатрал кюру хъхьичӀунмай бансса чараннах луглай, чялиш увккун зий, ккаккиартту чӀярусса хъунни. Цуя-ца инсан райадминистрациялул давурттая букъан къабувну, тӀаансса тагъар сакин дунни коллективраву, райондалул лагма лаган буллан ивкӀунни къатӀушавсса, ишбавчусса лакрал агълу.

Вайми сферардавугу, хаснува дуккавилсса буллалласса идарарттай, школартай нигъачӀисса тагъар дусса кӀанттурду бия. Вай идарартту ччаннай бацӀан булла, чӀярусса давуртту дурссар райондалий.

Анжагъ амсса дуккавилрил качество ххуй даврил иширтталласса булла дунни укунсса давуртту:

Гъумук бунни 35 оьрчӀансса интернат, 60 оьрчӀансса оьрчӀал багъ «Солнышко», сайки гъарца школалий дунни хъхьичӀуннайсса, чарабакъасса строительстволул давуртту. ОьрчӀал багъран диялсса къай-къуй ласун бювхъунни. Школарттан бучӀан бувна 8 автобус, газеллу. Сайки бувну къуртал хъунни ччянива байбивхъусса Гъумуксса школа.

Агъалинал чӀу Ялу-ялун район хъхьичӀуннай дулла

На, Рамазанов Юсуп ХӀажидавудлул арс, 2002ку шиная шинай зий ура райондалул администрациялий личӀи-личӀисса давурттай. Цалчинсса ттул даву райадминистрациялул бакӀчинал кумагчисса дия.

«100 школа» программа ишла дурну, капитальныйну бакъин бунни шяраваллавусса 4 школа, гъашинугу 2 бансса давурттай дур.

13 школалийсса спортплощадкарду балгунни спортрал къай-къуйлул, мунину бювхъунни физкультурал давуртту чансса тагъар сакин дунни коллективраву, райондалул лагма лаган буллан ивкӀунни къатӀушавсса, ишбавчусса лакрал агълу.

Вайми сферардавугу, хаснува дуккавилсса буллалласса идарарттай, школартай нигъачӀисса тагъар дусса кӀанттурду бия. Вай идарартту ччаннай бацӀан булла, чӀярусса давуртту дурссар райондалий.

Анжагъ амсса дуккавилрил качество ххуй даврил иширтталласса булла дунни укунсса давуртту:

Гъумук бунни 35 оьрчӀансса интернат, 60 оьрчӀансса оьрчӀал багъ «Солнышко», сайки гъарца школалий дунни хъхьичӀуннайсса, чарабакъасса строительстволул давуртту. ОьрчӀал багъран диялсса къай-къуй ласун бювхъунни. Школарттан бучӀан бувна 8 автобус, газеллу. Сайки бувну къуртал хъунни ччянива байбивхъусса Гъумуксса школа.

Гъумук бунни 35 оьрчӀансса интернат, 60 оьрчӀансса оьрчӀал багъ «Солнышко», сайки гъарца школалий дунни хъхьичӀуннайсса, чарабакъасса строительстволул давуртту. ОьрчӀал багъран диялсса къай-къуй ласун бювхъунни. Школарттан бучӀан бувна 8 автобус, газеллу. Сайки бувну къуртал хъунни ччянива байбивхъусса Гъумуксса школа.

Гъумук бунни 35 оьрчӀансса интернат, 60 оьрчӀансса оьрчӀал багъ «Солнышко», сайки гъарца школалий дунни хъхьичӀуннайсса, чарабакъасса строительстволул давуртту. ОьрчӀал багъран диялсса къай-къуй ласун бювхъунни. Школарттан бучӀан бувна 8 автобус, газеллу. Сайки бувну къуртал хъунни ччянива байбивхъусса Гъумуксса школа.



Хъурхъия Хъуннахъхъунсса, ШавкӀрату ГъувкӀравсса, Карашавсса ва цайми ххуллурду. Ххаллилсса ххуллу хъунни ШавкӀрату Ххюлусмав, кӀихунмай Буршайнгу бантӀий бур.

Къурагъсса, марххалагъарал чансса дия зунттаву 2019 шин. Шинну хъинну чан хъуна неххардий, щаращаву. Ялунссаннун цакуну дяркъугу хъуну, Гъумукун Ххюлусмату нанисса щин дарцӀуна. Мугълат бакъа райондалул бакӀчи бансса чараннах луглай, шардай агъалиначӀан щин ххилаххи бувна хасъсса машинарттай, хӀачӀан къабучӀихъурчагу, шланг дирхъуну неххая дурцуна аьркиннан ишла дансса щин. Агъалинан бувчӀлай бия вара тагъар вайми зунттал цайми районнайгу дур.

Администрациялул зузатрацал Ю. МахӀаммадовлул хъуннасса къулагъас дулла и ур райондалий спорт хъхьичӀуннай дан. 50-хъул шиннардий къархъусса, капитальныйсса бакъин баву хъунни Гъумуксса спортзалдану. ЦӀусса спортзал зий бур ЧӀурттагъ, ччимур даражалул турнир дан шайсса спортрал майдану хъунни Щарав, Хъурхъив, Гъумук паркраву. Шикку, гъалбатта, харжлугъ дуккан дунни инвестортурал, жяматиртталгу.

Культуралул иширттая учирча, цӀудуккан дунни райондалул культуралул, клубрал къатри, цӀусса къатри хъунни райондалул культуралул ва аьдатирттал центрданун. Клубраву бив-

хъунни ххаллилсса скамейкарду.

Хъинну зия хъуну бикӀайва районцентрдания, хъунххуллия шяраваллавун нанисса ххуллурду.

Лавациял райондалул дазуя Гъумукун бияннин ва райондалул вив асфальт бавкъунни 30ния лирчусса км. манзилданий. Бакъингу бувну, асфальт бавкъунни ЯтӀул ламучӀату Къукнив бияннинсса ххуллийх. Бакъин бунни ГъунчӀукъатӀату КӀямашавсса,

Хъурхъия Хъуннахъхъунсса, ШавкӀрату ГъувкӀравсса, Карашавсса ва цайми ххуллурду. Ххаллилсса ххуллу хъунни ШавкӀрату Ххюлусмав, кӀихунмай Буршайнгу бантӀий бур.

Къурагъсса, марххалагъарал чансса дия зунттаву 2019 шин. Шинну хъинну чан хъуна неххардий, щаращаву. Ялунссаннун цакуну дяркъугу хъуну, Гъумукун Ххюлусмату нанисса щин дарцӀуна. Мугълат бакъа райондалул бакӀчи бансса чараннах луглай, шардай агъалиначӀан щин ххилаххи бувна хасъсса машинарттай, хӀачӀан къабучӀихъурчагу, шланг дирхъуну неххая дурцуна аьркиннан ишла дансса щин. Агъалинан бувчӀлай бия вара тагъар вайми зунттал цайми районнайгу дур.

шиву.

Хъуннасса давури, ттул пикрилий, райадминистрациялул къулагъасралу, «Ветхое жилье» программалий Гъухъалла къурув шанма ххуйсса хъуни къатри баву. Къуя инсан зузисса, хъинну чарабакъасса, пожардая буруччавриха зузисса идара райондалий хъхьичӀххутта-вуминнавух тӀитӀавривугу райондалул бакӀчинал бияла хъунмассар.

Жунма циняннан чӀалай бурхха циксса ххуй-ххуйсса давуртту хъуссарив районцентр Гъази-Гъумучи ххуй-чӀюлу булла, агъалинан мюнпатсса давуртту дулла.

Республикалий щурущисса хӀукуматрал миллатрал проектраву, программардаву мудангу гьуртту шай Лакрал район.

Агъалинал сипта хъинчулий ккарккунни «Местная инициатива» программалий буллалласса Гъухъалла къурувсса Къапу (Арка), Ханмуртазааьлил гъайкал дакъин даву, Гъумуксса парк бакъин баву ва цайми давуртту.

Юсуп ХӀамидлул арснал хӀарачатрайну дурсса ва дуллалласса давуртту цаймигу чӀярури. Миннува ца яла харжлугъ хъунмину, загълунмину ккалли дан бучӀир ШавкӀрату Щарав нани ххуллий дуллалласса кӀива ламул ва ххуллу бакъин баврил давуртту, райондалин тӀабиаьтрал газ буцаву дайдишаву, ШавкӀрату Буршайнсса ххуллу буллалаву.

Къааьйкъинссара агар тасттикъ барча райондалул агъалинал пикри: райондалул бакӀчину Юсуп МахӀаммадов увчӀаву бахттинугу тӀайла бавцӀунни тӀисса.

Юсуп Рамазанов.

Шамагу уссу талай бивкӀун бур

(Дайдихъу 2 лаж.)

хъуну, му полк итабавкъуну, бухлаган бувну бур. Бахшишгу ганачӀан къадирну дур, ми дулун ккаккан бувну бивкӀми лиххан бувну.

Дяъвилий СултанбагӀуйн шамила щаву дирну дирну дур. Га лайкъ хъуну ур медаллан. Ххувшаву ласайхту, шавай занна хъуну, зий ивкӀун ур цал учительну, яла директорну Хъунайнал школалий. Яла - партиялул райкомрал пропагандалул ва агитациялул отделданул заведующийну. 1960 шинал, бала-апатӀрахъхъун иривну, ва дунияллия лавгун ур.

МухӀадлул гайми арсругу, СуцӀтанбагӀул хъуними уссурвал МахӀаммад ва Загъруттингу дяъвилий талай бивкӀун бур. МахӀаммад (1899 шинал увсса) гьуртту хъуну ур Финляндияна-щалсса дяъвилийгу, Хъун дяъвилийгу. ЛичӀи-личӀисса фронтирттай талай ивкӀун

ур, щаву дирну дур ва дяъви къуртал хъуну бур Польшанаву талай ивкӀсса чӀумал. Лайкъ хъуну ур 2мур даражалул «Отечественной войны» ордендалун, «За отвагу» ва цайми медаллан. 1946 шинал занна хъуну, Каспийскалий заводрай зий ивкӀун ур. 1988 шинал ва дунияллия лавгун, Каспийскалийва увчуну ур.

Загъруттин (1906 шинал увсса) дяъви хъуннин зий ивкӀун ур прокуратуралий. Дяъвилин увцун ур 1942 шинал. Талай ивкӀун ур Ухсавнил Кавказнаву. Ца-кӀийла щаву дияйхту, 1944 шинал мартрай аьралуннава итаавкъун ур. Зий ивкӀун ур Лакрал райондалий силистгачину, финотделданул заведующийну, маслопромрал конторалул директорну, «Серп и Молот» колхозрал председателю. Лайкъ хъуну ур дяъвилий медаллан. 1956 шинал машиналий авария хъуну, ва дунияллия лавгун, Гъумук увчуну ур.

3 май - Печать тархъансса бикӀаврил щала дунияллул къини

Гъарцаннал цала пикри бусансса каши

Гъарца шинал майрал 3ний щала дунияллий прессалул тархъаншиву дуруччаврил къини кӀицӀлагай. Микку оьвчавуртту дай СМИ щилчӀав цала биялалин ласавария буруччин, дакӀнийн бичай цала пишалул буржру марцӀну бартбигълай бивкӀсса журналистал.

Печать тархъансса бикӀаврил щала дунияллул къини баян бувссия 1993 шинал ООНдалул Генеральный Ассамблеялул. Мукунсса маслихӀат ООНдалул бувну бия 1991 шинал ЮНЕСКОлул Генеральный конференциялул 26мур сессиялий. Мунин мукунсса маслихӀат баврил сававгу хъуну дия африканал журналистурал Виндхукрай дурсса, щилчӀав биялалий бакъасса, личӀи-личӀисса пикри бусин бюхъайсса СМИ лядуккан даврил хӀакъиравсса декларация.



ЮНЕСКОлул пикрилий, печать тархъансса бикӀаву, цала-цала пикри гъарцанна-ща тархъанну бусин бюхъаву хъанай бур - дуниял цалий дарцӀусса, цлакъсса хъун дансса гъану.

Печать тархъансса бикӀаврил щала дунияллул къини хъанахъиссар - печатьрал тархъаншиву зия даврия, дунияллийса чӀявусса била-ятирттай печатьрал цензура дуллавария, миннуй аьчӀри дихълахъаврия, ми лакълакъаврия, журналистурал,

редактортурай къадагъа дихълахъаврия, ми бувгъуну, бакълакъаврия, литӀлатӀаврия баян бансса каши.

Му къинилул мукунна каши дулай щала дунияллийгу, кӀантту-кӀанттурдайгу печатьрал тархъаншиву цукунсса дуссарив кымат бищун, хӀукуматирттан дакӀнийн бутан, миннул буржбушиву печатьрал тархъаншиву дуруччаву. Му къини СМИлул зузатрал аьркинссар цала даву тархъанну шаллу дуллавария пикри бан, СМИлул чӀарав бацӀан оьвчавуртту дан, цанна дайшишурду къадулланшиврул, цацава тархъанну пикри бусинсса каши къазехланшиврул. Му къини дакӀнийн бутаван аьркинссар цала даврил буржру биттур буллай даврицӀа хъусса, бас бувсса, оьрмулуцӀа хъусса журналисталгу.

Учредитель:

Администрация
МР «Лакский район».
Учредитель:
«Лакрал район»
МР-далул
администрация

Главный редактор

М. М. Мусалаев
Ответственный секретарь
К. М. Курбанов
Корреспондент
К. М. Курбанов

Опер. комп. набора

Р. И. Джалаева
Тех. редактор
А. М.-Р. Абакаров

Адрес редакции, издателя:

368360, Республика
Дагестан, Лакский район,
с. Кумух, ул.
Сурхайхана-1, 96

Газета набрана
и сверстана на
компьютерной базе
редакции газеты «Заря»
и отпечатана в ГАУРД
«Издательский дом»
«Дагестан»
Адрес:
г. Махачкала,
пр. Насрутдинова, 61.

Срок подписания
в печать 17.00
Подписано в 16.00

Газета выходит
в неделю 1 раз.
Тираж 742 экз.
Цена свободная.

Газета зарегистрирована
Управлением
Федеральной службы
по надзору в сфере
связи, информационных
технологий и массовых
коммуникаций по
Республике Дагестан от
22 августа 2017 г.

Регистрационный
ПИ № ТУ05-00385

Позиция редакции
может не совпадать
с точкой зрения
авторов, которые несут
ответственность
за достоверность
представленных для
публикации материалов.

Рамазан барз

Таравих1 чак

Рамазан зуруй гьарца кьини хьхьувай байссар таравих чак. Идавсил (с.в.вс.) ва ганал гьалмахтурал мукунсса чак байсса бивк1ссар цала-цала лич1инугу, цач1у бавт1унугу. Ц1ана коронавирусрал азардануц1ун бавх1уну, муфтийнал маслих1ат бунни таравих1ру шаппа-шаппа лич1ину буллан.

Идавсил (с.а.вс.) чак бувну бивк1ун бур мизитраву цала гьалмахтурацал. К1илчинмур хьхьуну му чаклин бувк1ми ч1яву хьуну бур. Шамулчинмур хьхьуну гай бат1айхту, Идавс (с.а.вс.) гайннач1ан кьаувккун ур. К1юрххил чаклин уч1айхту, ганал куну бур: «Тгун ч1алай бия, зу бавт1ун бушиву. Амма, на зуч1ан кьаувкксияв, зун ва чак чарабакъа бан аьркинсса чак кьаххан-

шиврул». Му к1ул шайхту, гьалмагътал, мизитравун бук1лай, таравих1 чак цавайннал лич1ину, цавайннал цаппара бавт1ун цач1у буллан бивк1ун бур.

Мукун буллай бивк1ун бур, Омьмардул (халиф) каялушинна дуллалани. Мунан ч1алан бивк1ун бур, мукулмантал ч1яву хьушиву. Пикри буллан ивк1ун ур, циньяв ца пикрилий суккукьют1у хьанахъи баврия.

Мукунсса ххулу ганан льякьун бур циньяв ца имамнал хьирив бат1авриву. Цалчинма имамну ганал ивтун ур Убай ибн Кааб. Хьиривмур хьхьуну мизитравун увк1ун, циньяннал цач1у ца имамнал хьирив чак буллаг1сса куц ххал хьуну, ганал куну бур: «Ва ц1ушинналул ххуйшиву. Укун хьинни, вай шанай бик1авуниязл» (Ал-Бухари, 2010).

Ислам кьамул дурсса щилч1ав ганай аьй кьадурну дур мукунсса х1укму бувну. Цанчирча, циньяннал бувч1лай бивк1ун бур, мукун буллалавриву Идавсил (с.а.вс.) Сунналуц1ун (ганал буллай ивк1мур, эбрат) кьабавкьусса цич1ав бакъашиву. Идавсил (с.а.вс.) му чак цач1у буллалаву кьадиртун дирк1ун дур, таравих1гу чарабакъа бан багъайсса чак

ххан кьабик1ан. Идавс (с.а.вс.) ивч1айхту т1урча, Аллагьнал вах1идру ликлакаву кьуртал хьуну дур. Чарабакъа бан багълагьимургу ц1усса цич1ав ликкан кьабюхълай бивк1ун бур. Урти му чак арх1ал буллалаврив мяъна - цач1ун бат1аву, ца пикрилин буч1аву дакъа, цамур хьун кьабюхълай бивк1ун бур. Идавсил цала (с.а.вс.) укуну бивк1ун бурхха: «Ттул Суннагу, Ттул хьиривсса х1акьсса халифтурал Суннагу дуруч1ачи» (Ах-Имад, 382; Абу Давуд, 4607; ат-Тирмизи, 2676; Ибн Маджа, 43).

Жула заманнайгу таравих1 чак мусулмантурал бай цач1у, мизитравун бавт1ун, хьатлан чаклил таривир. Амма, буч1иссар таравих1 чак цалалу шаппа ягу иш багъсса цамур к1анай бангу.

Ханича Аьлиева ш.Ккурккул

Данияллул музей

Музей кьурувалу бакъар, я куьатта бакъар, Цач1ун хьумур тиннай дичин буч1исса. Халкь тамашалий бат1ай, я клуб бакъар Я тавхана бакъар, ттяй бусса затру Хьус мяъналий мавшан учин бюхъайсса. Хазнари чививяв бухкьалагайсса Шинну-ч1ун найссаксса, багъа лавайсса. Барачи чививяв, цил тасттикь бувсса. Тарихрал щач1анттай илданий хьумур. Музей - му щаращир кьакъакъайсса Аькьлугу, касмугу, чувшиву аьмсса. Цимигу ац1рахъул, ттуршрахъул шинал Хьхьич1-хьхьич1 хьанай бивк1сса аьмсса иширттал. Музей сакин байни кьазразан хьуну, Ивк1ссари сакинчу пикрирдал к1уну. Бак1равун кьут1авай лавгсса иширттал Банмунил агьамшив - хьанай мах1аттал. Амма бюхъайссари цайва гуж бувну Гьанулун агьанмур ласун ч1явуну: Жула Ватандалин хар-хавар бакъа Къанихсса, оьх1алсса немец ххяххукун Циньявша цакуну лах1залий бавт1ун, Мурад ца бушиву ккаккан бан к1улсса Миннал чувшиврия чивчусса жужру Ябуллай бур музей, мусил парчрайр. Аьлимтурал зах1мат ашкара буллай, Хьхьич1унминнал ц1арду мунан к1иц1лаглай Буттахъал ч1умуя бур музей буслай Рарт1ун дур музейрал язи-язимур Х1исав дакъанангу ч1алач1и буллай Учителнак аьклу, аьлимнал х1исав Хьу дугъайнал зах1мат, виричунал тарг Хьхьич1расса санятру, устарнал касму. Мискиннал марц1шиву, хьул кьукьин к1улсса Чувнал чумартшиву пиш-каш дан шайсса Ца-к1ива мукъуйну бусан шайссарив? Музейрал хьуншиву ва агьамшиву, Хьуннасса бахшишири кьадру бан к1уллан. Зах1матирал кьимат бищун бюхъайнан Тарихирал х1исав душиву буслай Ишру цинцилдарай ашкара буллай Омьмунил, хьинмунил низам ц1акь дуллай Кьабивк1мур ккаккан бан цища кьабюхълай Эбратмунил кьимат ч1алач1и буллай Буч1ант1и никриан тарбия дуллай Кьимат бищун к1уллан, х1исавртту ц1акьнан Щарнил лажин дури, тарихрал гуж бур Т1айлашиврий дарц1у - дагъани ц1акьсса. P.S Данияллухъ бури Ккурккулал жьмат Барчаллагъ т1ий дудин, дуван кьашайсса. Музейран - ц1ушиву, аваданшиву! Цанна - ц1улушиву, ц1усса иширттан!

Зува кьабувк1унма щаллу буллалиссар

Обратите внимание, у Вас должна быть подтвержденная учетная запись «Госуслуги» (ЕСИА). Подробнее о получении подтвержденной учетной записи можно ознакомиться на сайте Госуслуги. □ Шаг 1

Войдите на портал «Работа в России» с использованием подтвержденной учетной записи Госуслуги (ЕСИА).

Нажмите на своё ФИО в правом верхнем углу, в открывшемся меню нажмите на пункт «Оформление пособия по безработице».

На открывшейся странице нажмите «Заявление о предоставлении гражданину государственной услуги по содействию в поиске подходящей работы».

В открывшейся форме заявления проверьте сведения, переданные из Вашей учетной записи Госуслуги на портал «Работа в России».

Если обнаружите некорректную информацию, исправьте сведения на портале Госуслуги в Вашем Личном кабинете. Убедитесь, что сведения на портале Госуслуги представлены правильно, и начните заново заполнять форму заявления на портале «Работа в России». Заполните доступные к изменению поля.

Важно:

В блоке «Резюме» прикрепите уже существующее резюме из списка. Если Вы не создавали резюме на портале «Работа в России», то нажмите кнопку «Создать резюме». Страница создания резюме откроется в новой вкладке. Заполните резюме и нажмите кнопку «Сохранить». Вернитесь на страницу заявления и выберите только что созданное резюме из списка.

В блоке «Место жительства» должно быть указано место регистрации таким же образом, как оно указано в Вашем паспорте.

В блоке «Место оказания услуги» выберите «Регион», в котором Вы хотите получить услугу, а также Службу занятости населения. Помните, в дальнейшем Вам придется обратиться лично в ту Службу занятости населения, которую Вы выберете. Убедитесь, что Вам будет удобно до нее добираться.

Нажмите кнопку «Отправить заявление».

Обратите внимание, обработка Вашего заявления займет какое-то время. Вы можете узнать статус Вашего заявления на портале «Работа в России». Как это сделать – описано в Шаге 2. Шаг 2

Войдите на портал «Работа в России» с использованием подтвержденной учетной записи Госуслуги (ЕСИА).

Пример фотографии для дистанционной регистрации в качестве безработного и получения государственной услуги поиска подходящей работы.

Скан или фотографию документов:

- Паспорт (главная страница)
- Паспорт (регистрация)
- Паспорт (дети) - Снилс
- Трудовая книжка (если имеется)
- ИНН.
- Документ об образовании.
- Заявление в свободной форме о желаемой заработной плате, месте и условиях работы. Напоминаем, что из-за эпидемиологической ситуации и в целях нераспространения коронавирусной инфекции Covid-19, Центры занятости населения - перешли на дистанционный режим работы.

